

# Сургъульчирт сән амрлгъ бӯрдәхмн

Сургъулин джилин түрүн өрәлнъ төгсв, декабрин 29-с авн сургъульчирин үвлин амрлгън эклв. Джил болгън болдг эн амрлгънд сургъульч болгън икәр байрлдж, эртәсн кӯләгъәд, ягъдж кехин туск олн-зүсн зурагъан белднә.

Сургъульчир эврәннъ амрлгъан сәәнәр, байртагъар бӯрдәхд цуг эв-аргънъ бәәнә. Мана Төрсн тедниг зуг сургъуль сурчасн цагланъ биш, амрад джиргъджәсн цагланъ чигн хәләдж, килмджән өгнә. Цуг культурин бәәшнъгӯд, пионермӯдин гермӯд, стадионмуд болн кинотеатрмуд сургъульчирт өггдджәнә.

Запалн, Приозери болн Каспийск райодин школмудин багширин коллективс, эрдм-сургъулин отделмӯд, комсомодин райкомс болн спортивн обществс сургъульчирин амрлгънг ягъдж кехиг сәәнәр тоолдж, белдвр кедж.

Үвлин амрлгъна цагт өдр болгън, эрк биш сонън сән номермӯд үзүлдгәр эн школмудар зура кегддж. Сургъульчирин кеджәх белдврнъ дала: цаасар кесн фонарьмуд, ёлк кеерүлдг олн-зүсн наадгъас концертн программс, нег-негндән өгх белг болн нанъ чигн кесг зүсн-зүүл сенр белдвр кегдджәнә. Ах классмудин сургъульчир бал-маскарадмуд, лите-

ратурн болн тууджин викторин кеджәцхәнә. Сургъульчирин лыжар йовлгън, умшлгъна конференцс, фестивальмуд болн спортивн дөрлдәс кегдджәнә. Приозери района сургъульчир хбчирт ду-бингъин концерт үзүлхмн. Каспийск района сургъульчир рыбконсервн комбинатд оч экскурс кегъәд, гражданск дәәнә героймудла харгъдж кӯүндврмӯд кехмн.

Элст балгъсна школмудар шин джилин ёлк кехд ик белдвр кегдв.

Хойрдгч номертә дундин школд негдгчәс нәәмдгч кӯртл ордг классмудин сургъульчирт гурв тасрдж ёлк болхмн. Декабрь сарин 31-д 9—10-ч классмудин сургъульчирт костюмированн бал-маскарад болв. Школин залнъ үвлин бәәдлтәгъәр кеерүлгдаж, Пушкинә болн советск бичәчирин туульсин героймуд шуугджинәдж ёлк эргдж наадцхав. Сәәнәр дуулсн, биилсн, шин джилд сән костюмс белдсн сургъульчирт мөрә өггдв.

Негдгч номертә долан джилин сургъулин школ шин джилд бас сәәнәр белдв. Эн школин сургъульчир дун-бингъин кесг сән номермӯд белддж. Сургъулән сәәнәр сурсн, бийән тоомертагъар бәрсн, олна кәдлмшт шундж орлицг 16 сургъульчир мөрәлгдв.

Шин джилин ёлкс кехд школин шефмӯд икәр дөнъгән кӯргв. Хойрдгч номертә дундин школд Ленинә нертә колхозин правлень 2000 арслнъ өгв. Эн школин сургъульчир днъгрсн джилин зунар колхозин тәрәнә кәдлмшт орлицхала. Лолан долан джилин сургъулин школд XV лет ВЛКСМ гидг санаторий бас мөнъгәр дөнъг өгв. Тавдгч номертә долан джилин сургъулин школд шин джилин белгӯд авхд „Страна Советов“ колхоз 500 арслнъ өгв.

Сургъульчирин амрлгънг сенр сәәнәр болн ухата тоолвртагъар келгън—комсомольск организацсин гол төрнъ. Сургъульчирин спортивн дөрлдәг бӯрдәхд комсомольск организац эврәннъ сән гисн спортсменмӯд школмудар илгәдж, сургъульчирт гардвр, килмджән өгх зөвтә.

Сургъульчирин үвлин амрлгън—цуг олна керг. Эн амрлгънг сонън болн бӯрдәмджтәгъәр кехд манд цуг эв-аргънъ бәәнә. Партийн, комсомольск организац, колхозмуд, совхозмуд болн МТС-д сургъульчирин үвлин амрлгъ сәәнәр кехднъ школмудт дөнъгән кӯргх зөвтә. Бичкдүдин амрлгънг байрта өргмджтәгъәр днъгрүлхин төлә цуг кергтә тоотсннъ кӯцәхмн.

А. СЕМЕНОВА.